



Inatsisartunut ilaasortaq,
Jens-Frederik Nielsen
Demokraatit
Maani/

**Avataasiorluni aalisarnermi ingerlataqartut nutaat pillugit 37 naapertorlugu
apeqqummut nr. 10-mut akissut**

Ulloq: 24-01-2023
Suliap normua: 2023 - 1239
All. nr. 22243891

Aalisarnermi ingerlataqartut nutaat pillugit Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqut suliasaqarfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-maili: apn@nanoq.gl
www.naalakkersuisut.gl

**1. Saarullinniarluni aalisarnermi ingerlatsisut pioreersut pisassiissutitigut assi-
nganik imaluunniit annikillimasunik pissarsisut, sooruna Naalakkersuisut
ingerlatsisunik nutaanik tunniussaqaassallutik aaliangersimanerminnut suut
peqqutigaat?**

1-mut) 2023-mut Tunup avataani saarullittassanut TAC-p 5.515 tonsinik qaffanneranut atatillugu pisassiissutinut aalisarnermi ingerlataqalerniartut nutaat qinnuteqarsimanerintut atatillugu aalisarnermi ingerlataqartunik nutaanik isertoqarsinnaaneranut periarfissaqarnersoq Naalakkersuisut nalilerusussimavaat.

**a. Saarullinniarluni aalisarnissamut ingerlatsisunut nutaanut
pisassiissutinik tunniussineq Naalakkersuisut namminneq
pisassiisarnermut piumasaqaatigisaannut tulluunnersoq
Naalakkersuisut qanoq isumaqarfigaat?**

1 a-mut) Erseqqissarneqassaaq, ingerlatsisumut nutaamut pisassiissutinik tunniussinissaq pillugu suli aalajangiisoqanngimmat, kisianni akuersissutit pisassiissutillu pillugit nalunaarummi nr. 47, 18 december 2020-meersumi § 12-mi aalajangersakkat tunngaviusut tunngavigalugit, ingerlatsisut nutaat marluk, ingerlatsisoq nutaaq pisassiissutinik tunineqarsinnaanersoq pillugu naliliinermut ilaasinnaasunik paasissutissanik itinerrunerusunik nassiussinnaatillugu, pisassiissutinik qinnuteqarsimasut tunniussisarnermi periutsit tunngaviusut naapertorlugit periarfissinnissaat Naalakkersuisut toqqarpaat.

2. Nutaanik ingerlatsitsisoqalerneq Naalakkersuisut qanoq paasivaat?

2-mut) Ingerlatsisoq nutaaq paasineqassaaq inuk ingerlatseqatigiiffilluunniit ukiup pisassiiffiusup siuliani aalisarnissamut qinnutigineqartup akuersissutip taamaaqataanik peqarsimangitsoq.

**a. Saarullinniarluni aalisarnermut ingerlatsissallutik periarfissallit
kikkuuppat?**

2-a-mut) Ingerlatsisut nutaat marluusut ilimanaateqartut tassaapput Norsaq ApS aamma Tuukkaq Trawl.

b. Uanga paasinnittaasera malillugu ingerlatsisoq nutaaq tassaavoq imarpimmi aalisarluni ingerlatsereersimangitsoq. Ingerlatsilersut nutaat aalisarnermik allanik ingerlataqareerpat?

2 b-mut) Ingerlatseqatigiiffiit nutaat marluusut ingerlatsisut nutaajupput aalisagaqatigiinni allani aalisarnermi ilaanikuunngitsut.

3. Saarullittassiissutit pioreersunut ingerlatsilersut nutaat qanoq toqqarneqarsimappat?

3-mut) Ingerlatseqatigiiffiit taakkua marluk avataani aalisarnermut pisassiissutinik tunniussinissanut ukiumoortumik qinnuteqarnermut atatillugu pisassiissutinik qinnuteqarput.

a. Ingerlatsilersut nutaat toqqarneqarsimasut avataasigut allat pisassiissutinut qinnuteqarsimasinnaagaluarpat? Akissutip tunngavilerneqarnissaa qinnutigineqarpoq.

3 a-mut) Qulaani apeqqummut akissut innersuussutigaara. Nalinginnaasumik avataani pisassiissutinut qinnuteqaatit ingerlaneranut ukiut tamaasa novembarip 30-anni killiliikkamut atatillugu qinnuteqaatit tiguneqarput. Ingerlatsisumut nutaamut pisassiissutinik tunniussisoqarsinnaanersoq qulakkeerluarumallugu, tak. akuersissutit pisassiissutillu pillugit nalunaarummi piumasaqaatit tunngaviusut, taamaammat ingerlatsisunut nutaanut marluusunut 2023-mut pisassiissutinik qinnuteqartunut paasissutissanik itisiliinerusunik Naalakkersuisut piumasaqarsinnaapput. Ingerlatseqatigiiffiit paasissutissanut qinnutigineqartunut nassiussinissamut piffissamik killiliiffigineqarput. Matuma kingorna ingerlatsisumut nutaamut pisassiissutinik agguasoqarsinnaaneramik Naalakkersuisut aalajangiissapput.

i. Taakku toqqarneqarsimasut avataasigut allat periarfissinneqarsimangippata sooq taamaattoqarneramik Naalakkersuisut nassuiaanissaminnik piumaffigineqarput.

3 a-i-mut) Qulaani apeqqummut akissut innersuussutigaara.

4. Paasisakka naapertorlugit ingerlatsilersut nutaat taakku suliffeqarfittut aningaasaateqarnerat ima inissisimapput; 40.000kr. aammalu 400.000kr. Naalakkersuisut isumaqarnerlutik imarpimmi aalisarniarluni nutaatut ingerlatsisutut aallarnisarniaraanni aningaasaateqarneq taama annertussusilik naammattoq?

4-mut) Soorlu qulaani oqaatigineqartoq ingerlatsisut pisassiissutinik tunineqarnissaat pillugu isumminnginnermi Naalakkersuisut paasissutissanik itisilernerusumik ilaatigut angallatit aningaasalersorneqarnerat pillugu paasissutissanik piumasaqarsimapput.

5. Pineqartumut Naalakkersuisut allanik paasissutissiisinnaanerlutik?

5-imut) Ingerlatsisunut nutaanut marluusunut ilimanaateqartunut makkua Naalakkersuisut qinnutigisimavaat:

- Angallatip pisiarineranut isumaqatigiissut piunasaqaatitalik, kiisalu taassuma aningaasaliiffiqeqarnera pillugu paasissutissat aamma nalunaarsorneqar-nissaanut naatsorsuutigineqartumut pilersaarut.
- Ingerlatseqatigiiffimmik piginnittut pillugit aamma tassunga aningaasa-liinermut paasissutissat, piginnittuinnut takussutissaq ilanngullugu inatsisit naapertorlugu nassiunneqassapput. Pisassiissutinut immikkoortitanut aqutsi-veqarfimmi Dohrn Bankemi saarullit 7.000 tonsit, aqutsiveqarfimmi Kujataata kitaani aamma Tunup kujataani saarullit 515 tonsit aamma Tunumi suluppaakkat 406 tonsit aalisarnissaannut pilersaarut kiisalu pisassiissutinik atuinermut tunngatillugu aningaasaqarnikkut attassisinnaasumik missi-ngersuut, taamaalilluni ukiumut ilivitsumut aningasaqarnikkut attassisin-naasumik aalisarneq qulakkeerneqassasoq takussutissiisumik, nassiunne-qassapput.
- Tunumi Kujataaniluunniit tunisinermut suliffeqarnissamullu periarfissanik ineriartortitsinissamut suliniutitut pilersaarut atorsinnaasoq. Assersuutigalugu imaassinnaavoq tunitsivimmik pilersitsineq. Suliniutitut pilersaarummik piviusunngortitsinissamut piffissamut pilersaarut, suliniutit pilersaarusiukkat missingersuutillu il.il. ilanngunneqassapput.

Inussiarnersumik inuulluaqqusillunga


Karl Tobiassen

Aalisarnermut Piniarnermullu Naalakkersuisoq